

Иккинчи жахон уруши тугалланишидан кўп ўтмай 7-Америка разведкасининг разведкачиси ажойиб операцияни амалга оширди. Бу операция вақтида Герман Геринг томонидан ўзлаштирилган санъат асарлари тўплами топилди. Европанинг ҳамма галереяларидан йигилган тўплам ташландик коннинг йўлакларидан сакланарди. У ерда 1000 дана суратлар бор эди. Халқаро экспертлар комиссияси суратларни саралаш ишларини бошлашди. Нодир асарлар орасидан 17 асрда ижод қилган улуғ голланд рассоми Вермеернинг «Исо ва гунохкор киз» номли сурати ҳам топилди. Экспертлар бутун санъат ва музей оламини келажакда бўладиган ва расм санъати билан боглик жуда катта можарога йўл очадилар, деб ҳеч кимнинг хаёлига ҳам келмаганди.

Хаммаси ҳам эътиборга молик бўлмаган далилдан бошланди. Бошқа суратлар каби бу сурат ўмарилмаган, балки Герингнинг жосуси томонидан Голландиядан сотиб олинганди. Экспертлар гуруҳининг голланд аъзоси газабланди.

— Кайси голландиялик Вермеерни сотиши мумкин? Ахир Нидерландияда ҳар бир яшовчи учун бу ном муқаддас-ку. гиролликнинг юздан ортик кўчалари номига кўйилган улуғ устанинг суратларининг репродукцияларини энг гариб кулбаи вайронада ҳам учратиш мумкин. Ким бундай ишга юрак солди?

Эксперт газабга келтирадиган далилни аниқлашга киришди. Озгина изланишдан сўнг суратни Герингнинг жосусига Амстердамлик рассом Ханс Ван Мегреен деган кимса сотганлиги аниқланди. Ван Мегреен бой одам хисобланарди, бир неча даромадли уйлар, иккита кечки клуб унга қарашли эди. «Исо ва гунохкор киз»ни Герингнинг жосуси сотиб олган, қолган беш сурат Гаага, Роттердам ва Амстердам музейларига тарқатилган.

Ван Мегреен суратларни қаердан олган? Италиядан сотиб олибди. Ундай бўлса, итальян фашистлардан олиб, немис миллатчиларига сотганми? Ван Мегреени дарҳол қамадилар.

Рассом уч ҳафтани қамоқда ўтказди. Полиция ундан айбни бўйнига олишни талаб этар, у бўлса жим турарди. Сўроқлар давом этаверди. Нихоят Ван Мегреен ўзини тутиб турулмади:

— Тентақлар! — қичкириб юборди у, - ҳеч қанака Вермеерни сотганим йўқ. Мен немисларга ўз суратимни сотганман, ўзимникини! Уни мен ана шу қўлларим билан қизганман!

Шундан сўнг сўроқларга жавоб бера бошлади. Ван Мегреен олти калбаки сурат яратган, тўғрироғи, «Вермеер услуби»да қизган. Жами бўлиб булар учун саккиз миллион гулден ёки уч миллион доллар олган.

У нима учун бундай қилди? Ўқи узок вақтлардан бери унинг ноёб истеъдодини тан олмаган эшакмижоз танқидчиларни аҳмоқ қилиш учунми? Қачонки улар калбаки асарни кўриб, хайратдан қийиллай бошлардилар.

Дархол энг ўқимишли голланд экспертларини йигдилар. Улар бир овоздан ҳамма суратларни хакикий деб топдилар. Аммо бадиий тўгаракларда айкаш-чуйкаш фикрлар йўргалади. Бу масала Нидерланд ҳукумати томонидан ҳам кўриб чиқилди. Ван Мегреенга яна бир марта ўзининг «Вермеер»ини яратишга имконият беришга келишиб олинди.

Рассомга деразалари панжара урилган студияни ажратишди, каттик тартибдаги коровуллар назорати остида, муҳим материаллар билан таъминланди ва иш бошланди. Ван Мегреен оркасида полициячилар турганида ишлашнинг имкони йўқ, деб норозилик билдирди, лекин улар бўлса-да, ишни давом эттираверди.

Янги «Вермеер» «Чакалок Исо»ни тасвир этарди. Бу ерда асл суратнинг ҳамма нишонлари бор эди — Вермеерга хос маромига етказилган техника, сарик ва хаворанг бўёқларнинг жилоси «пуантилло» услубига мос мўйкалам. 17 асрга хос бўлган чизиш материали ва мўйкалам ишлатилди.

Экспертлар яна йигилдилар. Ва яна унинг еттита иши хакикий деб топилди. Ундан ташкари Ван Мегреен ўз гуноҳининг асослигини ҳам тасдиқлаб берди. Герингга сотилган суратдаги, Исонинг ўтирган стули, Ван Мегреен студиясидаги стулнинг айнан ўз нусхаси эди. Исонинг кўлларини рассом ўз кўлларидадан чизган. Экспертлар тўлик мағлубиятга учрадилар.

Саломатлигининг ёмонлиги назарга олиниб, Ван Мегреенни бир йил камок жазосига ҳукм қилдилар, аммо таҳмин қилишларича, асабининг зўриққанидан унча вақт ўтмасдан Мегреен вафот этади. У бор-йўғи 58 ёшга кирган эди.

Музейлар доираларида жуда катта можаролар бошланади. Ким ҳам қафолат берарди уруш олди бўлган харидларининг ҳаммаси ҳам асл нусха деб? Санъатшунослар ҳазиллашиб ҳам кўйишарди.

— Камил Коро ижод қилган 2500 ишдан 7800 таси АКШда бор, бундан ташкари мисол учун Рембранднинг калбаки ишларининг фарқи асл ишларидан олти марта кўпроқ ва шунга ўхшаш.

Ван Мегреен ўз холича зўр истеъдод эгаси эди, ахир у бошқа суратлардан кўчирмас, уларни ўзи ўйлаб, ўзи чизарди. Танқидчилар уларни Вермеернинг энг яхши ижод маҳсулларида деб билардилар.

Ван Мегреен ҳаётлигида унинг хавоси жуда баланд бўлиб, шунинг учун танқидчиларни ўзига қарши қилиб олган ва улар уни тан олмаганлар деб билардилар. Шунинг учун танқидчиларни аҳмоқ қилиш унга кўтаринки рух бахш этарди. Хўш, нима учун айнан Вермеер? Нима учун Пикассо ёки Вае Дейк эмас? Голланд рассоми факатгина назокатли эски мўйкалам сохиби билан мусобакалашиш лозим деб ҳисобларди. Бундан ташкари, Вермеер унинг энг яхши кўрган рассоми эди.

Ван Мегрееннинг калбаки ишларини мураккаб химик ёки рентген оркали фош қилишнинг иложи йўқ. У ҳаммасини назарга олганди — чизиш материалини (холстни) сифати ва

бўёкларнинг таркибига. Хозирги замондаги рассомлар каби у бўёкларни зигир ёғида тайёрламас, унинг бўёклари алохида тайёрланар ва у бир флакон бўёкка икки минг доллар тўларди. Бундан ташқари кўргошин белила ўрнида у рух белиласини ишлатарди.

Рассом суратларни калбакилашни ўзининг Италия сафарига бошлади. Худди шу ерда бўлмаган тўмлавлардан харид килиш гоёси тугилади ва сафардан Голландияга кайтганидан сўнг, Амстердамнинг энг хурматли ва кари экспертини топади. 80 ёшли устаси фаранг, унинг хамма ишларини гап-сўзсиз хакикий деб топди. Экспертни Абрахам Бредиус деб атардилар.

1937 йилнинг охирида Роттердамдаги Бойман музейи суратларни рентген ва кимёвий тахлил ёрдамида синовдан ўтказди. Ундан кейин хар бир сурат учун ярим миллиондан талаб этдилар. Буларнинг хаммаси киролича Вилгелмина юбилейи шарафига ўтказилган кўргазмага кўйилди ва оламшумул хайратга соладиган воқеага айланди.

Буларнинг хаммаси хакикий муаллифни завклантирар, у фақат бир нарсадан куюнарди. «Эссиз, суратни Герингга сотмаслик керак экан. Мен шу ерда хато килган эканман».

Рус тилидан Субхон УСМОНОВ таржимаси